



Broj: 01-02-1079/25
Sarajevo, 29.07.2025.

**PREDSTAVNIČKOM DOMU
PARLAMENTA FEDERACIJE BiH**

Dana 28. jula 2025. godine održana je 1. sjednica Odbora za istragu i praćenje aktivnosti u vezi sa sanacijom šteta prouzrokovanih poplavama i klizištima iz oktobra 2024. godine Predstavničkog doma Parlamenta Federacije BiH (u daljnjem tekstu: Odbor).

Sjednici je prisustvovalo osam od ukupno devet članova Odbora, čime su ispunjeni uvjeti za punovažan rad, kako u pogledu kvoruma, tako i u pogledu odlučivanja.

Na sjednici su prisustvovali zastupnici: Fuad Abaspahić, Marjan Marjanović, Ajla Milišić-Pepić, Amir Ibrović, Haris Šabanović, Luka Faletar, Sandi Salkić i Admir Čavalić, dok je zastupnik Amir Purić svoj izostanak opravdao.

Dnevni red 1. sjednice Odbora je jednoglasno usvojen, a glasi:

DNEVNI RED

1. Konstituisanje Odbora
2. Tekuća pitanja.

Na osnovu člana 59. tačka 3.a. Poslovnika Predstavničkog doma Parlamenta Federacije Bosne i Hercegovine ("Službene novine FBiH" broj 69/07), Odbor podnosi sljedeći:

IZVJEŠTAJ

Ad-1 Konstituisanje odbora

Sjednicu Odbora sazvao je predsjedavajući Predstavničkog doma Parlamenta Federacije BiH, gospodin Dragan Mioković, koji je, nakon što je otvorio sjednicu, predsjedavanje prepustio najstarijem članu Odbora, zastupniku Luki Faletaru. Nakon provedene rasprave, zastupnik Faletar je stavio na glasanje prijedlog da za predsjednika Odbora bude izabran gospodin Fuad Abaspahić, a za zamjenike gospodin Marjan Marjanović i gospodin Haris Šabanović. Prijedlog je jednoglasno usvojen.

30.07.2025

[Signature]



Ad-2 Tekuća pitanja

Predsjedavajući Odbora, gospodin Fuad Abaspahić, predstavio je prijedlog plana rada Odbora, te inicirao raspravu o prioritarnim aktivnostima. U tom kontekstu, predloženo je da se od općina koje su bile pogođene poplavama i klizištima u oktobru 2024. godine zatraže sveobuhvatni izvještaji o trenutnoj situaciji na terenu, procijenjenim razmjerama štete, kao i o do sada zaprimljenim i utrošenim sredstvima namijenjenim za sanaciju posljedica.

Također, zatraženo je da se identični izvještaji dostave i od strane Vlade Federacije BiH, humanitarnih organizacija, pojedinaca donatora, kao i drugih subjekata koji su na bilo koji način učestvovali u pružanju pomoći i finansijskoj podršci u sanaciji šteta.

Nakon provedene rasprave, Odbor je jednoglasno usvojio sljedeći *Zaključak da se obavezuju se nadležne općinske strukture, Vlada Federacije BiH, humanitarne organizacije, pojedinci donatori, kao i svi drugi subjekti koji su učestvovali u pružanju pomoći, da dostave izvještaj o trenutnoj situaciji na terenu u vezi sa sanacijom šteta uzrokovanih poplavama i klizištima iz oktobra 2024. godine. Izvještaj treba sadržavati detaljan pregled zaprimljenih sredstava od svih nivoa vlasti i donatora, kao i pregled utroška tih sredstava zaključno sa danom 5. septembar 2025. godine. Uz izvještaj je potrebno dostaviti prijedloge konkretnih mjera i rješenja koja bi doprinijela ubrzanju i efikasnijoj realizaciji sanacionih aktivnosti na terenu.*



PREDSJEDNIK ODBORA

Fuad Abaspahić

Dostaviti:

- članovima Odbora
- predsjedavajućem Predstavničkog doma
- potpredsjedavajućima Predstavničkog doma
- sekretaru Predstavničkog doma
- sekretaru Odbora za istragu i praćenje aktivnosti u vezi sa sanacijom šteta prouzrokovanih poplavama i klizištima iz Oktobra 2024. godine
-
- a/a Odbora
- a/a